

rische weise gethan / die ihn hatten aufgenommen / eben wie der Man / der  
die erfrorene Schlaue aufdaure und wärmete.

Welche wohl meynende rechtschaffene Holländer haue nicht ein Greuel  
an solchen abscheulichen Nassereyen ? Wir wollen Gott bitten / daß diese unver-  
hoffte und plötzliche Veränderung zu unserer Besserung / zur Aufbreitung  
der Ehre Gottes / und Erhaltung unserer wahren Reformirten Religion  
und Freyheit möge gereichen ; Auch wünschen wir Herzlich/d. s. ein jedweder  
sich von Herzen möge zu Gott bekehren / auf daß die angefangene Regie-  
rung Seiner Hohen / des Prinzen von Oranien / möge gereichen zu Erhal-  
tung unsertheuer erkaufften / und fast gänglich verlorenen Freyheit.

Die kummerlichkeit und allerheis pflichtigen Zufälle sind Urs. ch / daß  
dieses nicht Ordentlicher und besser aufgesetzet worden ; Doch bey  
einem Verständigen hat man nicht viel Wort von  
nöthen.

109  
**Sinceri Germani**  
**EPISTOLA,**

*ad*  
**Ludovicum Seldenum ,**

conscripta :  
**quâ Belli Gallo Belgici momenta**

expenduntur.

102

Sincerus Germanus  
Ludovico Seideno suo  
S. D. P.

Dum silentium meum propè annum frequentibus literis purgare apud Te cogito, & tamen diem è die expecto, spes vacui temporis, non modò ut commodiùs, sed etiam ut uberiùs possem scribere, fecit, ut anteverteret humanitas tua, quam ego pari doctrinâ conjunctam in amore semper habui. At epistola tua, quâ mihi jucundiùs nihil accidere potuisset, non nihil tamen mihi injecit sollicitudinis, fecitque, quod ego accidere potuisse nunquam credideram, ut dubius aliquandiu hæsevum, moremne tuo desiderio gererem, an amicâ ac prudenti declinatione illud eluderem. Ais: perculisse aures mentesque vestras feralis belli turbas, quibus passim Belgum affligitur, & cum otium, in quô vivis, non permittat, ut rationes, ac momenta horum motuum aliunde curiosâ indagatione perquiras, ex me, pro vetere, quæ Nos inter est, necessitudine, scire cupis: quæ origo, quæ causæ hujus belli, unde tantæ Belgio fœderato non ita pridem florentissimo clades ac calamitates, quæ circa hanc rerum conversionem reliquis Regibus, Principibus, Rebus pub. mens esse possit: quidnam Orbi Christiano inde sperandum aut metuendum? Majora hæc fere sunt viribus meis, sancè pleraque non nisi ex evenitu dijudicari possunt. Spectant enim ad arcana & abdita Dominationis, quæ ut curiosè involvi ac obtegi solent, itâ scrutari illa semper arduum, ac anceps, sâpe etiam pericolosum fuit. Sed ut sollicitus amor est, malui privatim apud te familiaritatis jure errare quâm committere ut ambiguâ excusatione fides erga te mea in dubium vocari posset.

Causas hujus belli haud abs re perquiris, mi Ludovice, cum de iis celandis magis, quam exponendis, solliciti fuerint Galli. Invaluit haec tenus apud moratores passim Gentes, ip-

sò naturæ gentiumque jure svadente, ut is, qui bellò alterum aggredi destinat, reliquos de justitiâ ejusdem, causis accuratè expositis, edoceat. Quod adeò plerisque usurpatum vides, ut inquis etiam cœptis æqvum tamen præextum quærere, & causas sic non justas, saltem justi colore tintas profere laboraverint quasi verecundiam naturæ afficeret, injustè destinata absque fucô in hanc mundi scenam producere. Et sancè cùm ultimum malorum sit bellum, & quod reverâ ad destructionem humani generis tendat, interest societatis civilis, illud non leviter aut quasi fortuitò suscipi. Omnia priùs experiri sapientem decet, quam armis, quæ ut plurimum neq; parari possunt, neq; haberi per bonas artes: Adeò ut barbaræ ac ferinæ immanitatis ab omni ævô damnati fuerint illi, qui ad arma armorum libidine provolârunt; & quibus

pro fœdere, proque  
justitiâ est ensis:

quæriturque belli exitus, non causa. Nec Gallis, cultissimæ Gentî, hic mos ignoratus: Certè cum non ita pridem Provincias Belgii, quas Hispani possident, sui juris reddere decrevissent, non dubitârunt integros libros morale ac rerum varietate satis diffusos, pro jure Reginæ, & justitiâ armorum inde deductâ, conscribere. At forte Belgæ Fœderati fuere indigni, pro quibus is labor susciperetur. In bello quidem denunciatione, quæ typis vulgata, injuriâ se à Belgis affectum Rex Christianus prodit. Idem Ministri Gallici ad externos missi Principes propalârunt, Belgasque uti violæ gloriæ ac dignitatis Regiæ reos accusarunt. Sed de modò ac ratione lœsonis alcum silentium. Unum patet, quod forte hic trahi posset, prohibito scil. quarundam mercium Gallicarum in Belgio, quâ commerciorum jura violata videri possent. Sed eam necessitate expressam, & in licto retorsionis jure fundatam causantur Belgæ ob violatas à Gallis fœderis Anno 1661. initi leges, quibus commerciorum atque ex-

actionum ratio inter utramque gentem stabilita. Ego qui-  
dem neutri partium addictus, odiumque & gratiam procul  
habens, de justitia harum causarum non disputabo, aliorum  
estò judicium, ad justificas, an ad svasorias an ad neutras re-  
ferri debeant; id saltem monebo, quod nec tu, Amice, igno-  
rare potes, fecisse Belgas id, quod jus Gentium simili in casu  
requirit. Nimirum obtulerunt ante bellum cœptum Regi  
Christianissimo æquam injuriarum reparationem, quas factas  
sibi docere posset; adeoque bellum, epistolâ submissâ con-  
scriptâ, quasi deprecati sunt. Sed ne quidem auditos esse  
constat: Adeò ut tanti Regis, famam ac dignitatem, cuius  
fanè is prodigus haud est. Iædere videantur illi, qui hos qua-  
les quales prætextus ipsi suffecisse asserunt ad bellum tantæ  
molis, tantorumque sumptuum suscipiendum. Sagaciores,  
& quibus ad abdita rimanda oculi solitò perspicaciores, ve-  
ram hujus belli causam ex alio longè deducunt fonte, & qui-  
dem ex arcando istò Hetrusci Politici, quo Principibus suggesti-  
tur, illos quos consiliis ac cœptis suis adversaturos sciunt,  
omni ratione eyertere, ut iis sublati in offensò pede progre-  
di, & quò tendunt, pervenire queant. Intererat Galliz, Bel-  
garum statum convelli, eosque opprimi, quos perpetui obicis  
ac scopuli instar futuros prævidebat, ad quem vasta, quæ  
meditatur, consilia, & ingentis operis destinata frange-  
rentur. Rem haud multùm à verò abhorrente perpendenti  
ea quæ paucis abhinc annis gesta facile patebit. Quam arctò  
olim foedere Galli Batavique invicem per integrum ferè secu-  
lum connexi fuerint, nemo est, qui ignorat. Diceres unam  
utriq; Genti fuisse mentem, eadem consilia easdem manus qui-  
bus imminentem libertati utriusq; Hispanorum potentiam re-  
primerent. Gallus pecuniam, commeatum, arma suppedita-  
bat, Belga vires, homines sanguinem: Et ut negari non po-  
test, Gallos multum contulisse ad Belgarum libertatem ac ma-  
gnitudinem, quā haec tenus inclaruerunt: ita etiam certum est,  
Belgas

Belgas litavisse sanguine suô Gallorum commodis, gladiumq;  
Gallornm cervicibus destinatum in propria recepisse viscera,  
adeò ut utilitas in de redundâs reciproca fuerit. Sed habent  
odia ac amicitia Gentium, ut pleraque omnes res, suas vicis-  
tudines, nec quicquam stabile aut firmum in hac rerum na-  
turâ. Ita ferè accidit, ut plerique Principes ac Republicæ  
omnia ex utilitate ac securitate suâ metiantur; ad quas, ceu  
ad lapides angulares, quibus salutis compages innititur, omnia  
referunt, nec foedera, nec sanctissima fidei pignora, nec jus  
fasq; ultra, quam illæ subsint, ligant. Duravit mutua hæc  
Gallos inter & Belgas necessitudo quousque metus ab æmu-  
la atque prævalida Hispanorum potentia. At cum horum vi-  
res cladibus, defectione provinciarum, Æmulorum machinatis  
omnibus, imprimis verò internecinò hoc Bello Belgico prorsus  
attritæ essent, contra Gallorum indies crescerent, omnemque  
exederent modum, cum vasti ac supra cætera eminentis domi-  
natus consilia quæ olim Hispani agitasse dicuntur, montes Py-  
renæos transmigrasse, & in Gallia fixisse sedem viderentur,  
nec amplius, ut quondam, Hispani, sed Gallici nominis ter-  
ror omnia compleret, tum demùm pro mutata temporum  
sorte, etiam harum Gentium consilia, & status rationes, ut vo-  
cant, immutatae. Belga verebatur Gallum, ut libertati ac opí-  
bus suis, modò auderet, insidiaturum, & ob id coercendum  
suis adversataram, & ob id occupandum, tantòque incre-  
mentò ad reliqua viam sternendam ducebat. Id quod inpri-  
mis apparuit in bello, quod non ita pridem Galli adversus  
Hispanos in Belgio suscepérant. Nam cum ex subactò à Gal-  
lis Belgio Hispanicò inevitabile sibi exitium imminere facile  
prospicerent Belgæ foederati, & præterea memores essent  
antiquissimi moniti: Gallum amicum habeas, non vicinum;  
omni nisu laborandum sibi duxerunt, ne destinata perficerent  
Galli, & sociatis cum Anglorum Rege, cujus etiam intererat,  
vici

vicinam potentiam tantâ accessione non augeri; consiliis effe-  
cerunt, ut in mediò victiarum cursu gradum sistere Rex  
Christianissus cogeretur. Hinc prima offensio, cuius sensus  
eò acrior, fuit, quò certiori spe Belgii Hispanici Provincias  
jam devoraverant Galli. Sed, immane, quantum illa creverit  
cum ad tuendas Pacis Aquisgranensis leges, & sui vicinorum-  
que defensionem Belgæ Anglos Svecosque ad triplex istud  
fœdus, cuius magnum quidem nomen, sed inane fuit, impel-  
lerent, aliosque Principes, ut ei accederent, sollicitarent.  
Quâ sanè in re, quamvis non minus licetè quam prudenter e-  
gerint Belgæ, cum omnia consilia ad suam saltem vicinorumq;  
securitatem dirigerent, & ne luxuriantes, atq; ad aliorum exiti-  
um tendentes Gallorum conatus extra justæ orbitas continen-  
tiaz evagarentur, laborarent, ne quicquam verd ut vel glebam  
terræ Regi, Christmo eriperent, aut vel minimam ei in floren-  
tissimo Regnō suo molestiam facesserent: tamen dici non po-  
test, quam hæc vastum ipsius animum pupugerint, ut nihil pri-  
us agendum sibi duxerit, quam molestos hos machinationum  
suarum Arbitros opprimere. Et ex hòc fonte vera ni fallor  
hujus belli causa derivari potest, cui accessit spes certi succes-  
sus ex proditione illorum, quos inter Belgas turpi mercede  
sibi conciliaverant Galli: & ex genio populi, mercaturæ stu-  
dio, rei nauticæ ac opificio dediti, belli quod terræ geritur  
ac rerum militarium rudis; tum & stimulus ingentis emolumen-  
ti ex divictis florentissimis his provinciis, situ, opibus, omni-  
que rerum abundantia cuivis Regno præferendis: quarum ac-  
cessione aucti facile omnia, quæcunque spem ac aviditatem  
mortalium accedere possunt, conseqvuturos, se sperabant. Sed  
videamus obiter quibus artibus rem destinatam perfecerint:

Quâ certè in re felicem Regis Christianimi genium cum  
pari prudentiâ ac sagacitate conjunctum, haud satis mirari li-  
cet, certè posteritas stupebit. Prævidebant facile Galli, quam-  
diu triplici isto fœdere ligati tenerentur, Angli, Sveci, Belgæ;

3 Gal.

nil

nil quicquam magni momenti gerere se posse: Hoc igitur  
prius dissolvendum erat, & arma, quæ in perniciem ipsorum  
destinata, in hostium convertenda jugulum. Vetus est dictum  
Cum uno ex tribus hostibus pacem, cum altero inducias pan-  
gendas, cum tertio bellum gerendum. Hoc egregiè obser-  
vatum Gallis: Anglos prius aggrediuntur, in quibus scil. ma-  
ximum momentum erat ob vires eorum maritimas, absque  
quibus frustrâ se oppugnaturos Gentem mari præalentem con-  
jiciebant. Persuadent ipsis: nunc demum venisse tempus,  
quo injurias ac clades à Belgis variè acceptas vindicare, quo  
Imperium Maris, quo commerciorum jura, & rerum mariti-  
marum arbitrium, qua spectat sol oriens & occidens, afferere  
possent. Et ne magnitudine periculi aut sumptuum deterren-  
tur Angli, offerunt ultrò vires, arma, naves, pecuniam, qua clas-  
sis prævalida parari posset. Nec voto eventus defuit: Onera-  
tos his tantis promissis Anglos facile in belli societatem per-  
pulerunt. Haud paulò difficilior de Svecis victoria fuit. Ve-  
rendum erat, ne Gens bello clara ad auxilia Belgis fe-  
renda stimularetur, & ne hoc exemplo plures alii inci-  
tati arma pro defensione Belgii sociarent. Id ne fieret,  
nullis parcitor sumptibus, nullis disertissimorum hominum  
exiunt hujus belli spectent, quam à Belgis ad arma paranda  
ac jungenda offerri potuisset: Et, in quo præcipuum negotia-  
tionis momentum, pertrahuntur ipsis, contra propria commo-  
da ad fœdus, cuius finis unicus, ut reliqui omnes Principes ab  
ope Belgis præstandâ ostentatione armorum Sveciorum de-  
ternerentur. Porrò cum expeditionis adversas Belgas facilior  
nulla videretur via, quam quâ per Rhenum, Vahalimque ac  
Islam ad Intima Belgii transitur, eoque non nisi juvantibus  
Electore Coloniense & Episcopo Monasteriense perveniri pos-  
sit, uterque in belli societatem adsciscitur; ingenti Galliæ lu-  
cro, non tantum ob harum Regionum situm, ad Belgas inva-  
den-

dendos & arcenda, quæ fortè à Germaniâ acciri possent, auxilia percommode, sed in primis quod hac ratione Potentes in Germaniâ Principes, & ipsa Domus Bavaria, opibus ac auctoritate valens, cause inuenientur suæ. Ad eandem suscipiendam Elector item Brandenburgicus promissis sollicitatur ingentibus: sed is, cum bellò hòc non magis Belgio, quam Germaniæ jugum parari, quæ pollet sagacitate prævidebat, ut est gloriæ ac libertatis retinentissimus, commoda privata publicæ rei constanter posthabuit. Daniæ Regem & Belgas inter, atq[ue] haec tenus federe junctos, pomum Eridos emittere tentarunt Galli laudò quod ex arbitrio suscepto pronunciavit Rex eò tempore, quo jam bellum adversus Belgas decretum erat; ut mirum non sit, Belgas in tantam pecuniæ vim Danis damnatos, quæ scilicet Galliæ commodis cessit, dum ad dissociandam utramque gentem anteā junctissimam, & Belgas nummis exhauiendos impendi debebat. Reliquis omnibus Principibus, quorum intererat, Belgii statum non everti, persuasum; eam minimè mentem esse Regi Christmo ut Belgii provincias occuparet, sed saltē ut gloriam à Belgis lassam digno aliquo facinore vindicaret. His ac similibus artificiis plororumque manibus arma excussa, certè id effectum, ut cum omnia primo impetu prosternere decrevisset, nemo vicinorum ad illum distinendum accedere posset. Deprehendes iam tandem, nō fallor, unde iugosæ Belgio miserrimo calamitates. Nam quicquid habet terrâ marique virium Gallia, Britannia, magna ex parte etiam Germania, in Belgas effutum est, & torrentis instar illos inundavit, imparatos ab omnibus rebus, & omnibus externo destitutos auxilio. Accessit præditionis nefas, nec enim minus consilio & pecuniâ, quam armis rem esse gestam constat. Adeò verum est auro omnia venalia haberi, patriam, libertatem, & si quid utraque sanctius. Ultima clades fuit à discordia illorum, qui ad Reipub. clayum sedebant, & denique inscitia rei militaris, qua effectum, ut nec urbes munitissimæ rebus

rebus ad sustinendam obsidionem necessariis instructæ essent, indeque nullo negotio occuparentur, nec milibus ob imbellem Præfectorum turbam pugnandi ardor aut studium. Illud sanè constat, nunquam ab orbe terrarum condito tam potenterem Rempub omnibusque rebus & in primis pecunia per uno belli abundantem, tam brevi temporis spatio eversam fuisse. Sed ad ultimum, idque præcipuum tuæ Epistolæ caput progressior, ubi q[uod]næris: quæ reliquis Principibus circa ingentem hanc rerum conversionem mens esse possit, quid illis inde spei aut metus. Spem sanè exinde nemo, quisquis sit, concipere potest, nisi falsò sibi ab blandiri velit: Solis hic seritur Gallis, nec Angli, nec Coloniensis, nec Monasteriensis, quorum tamen portis, sangvine victoria parta haud diutius eâ fruentur, quam Gallis videbitur. Nam is leoninæ societatis finis esse solet, At metus ex subacto Belgio ad omnes omnino pertinet. Quisquis novit Gallorum consilia, opes, vires, & quam in immensum illarum situm, & ingentes opes augerentur, mecum profecto fatebitur, calcato Belgio viam sterni Gallis ad Orbis Christiani Imperium invadendum, sanè ad rerum Europæarum Arbitrium, quod affectant, occupandum. Nulli amplius limites, nulla claustra ambitionem illorum frænabunt. Reliqui Reges, Principes, Respub. præcarium trahent spiritum, qui ex nutu ipsorum pendeat, cui si quis refragari ausit, continuo Lotharingiæ Belgique fatum subire cogetur. Et certè quicquid ad invadendum Orbis Imperium desiderari possit, id Gallis adest. Copiis, viribus, armis, opibus, commeatu abundant: Consilis, astu, sagacitate, quibus reliqua temperantur, prævalent: Gens ipsa bellis assvera, & gloriæ militaris avida; Imperii forma ad unius nutum adstructa, Regionis situs, validitas ac vis nullibi interpolata aut luxata, ad magna quævis audenda, vel modestum animum propellere possent. Quod si solius Franci Regni tanta sit potentia, ut revera est, quid futurum p[ro]ta.

tamus si opulentissimi Belgii accessione augeatur: cuius unius  
fitus ad temperanda Orbis Imperii fræna accommodatus vide-  
tur. Certè renovanda erit Alexandri M. querela, & alias quæ-  
rendus Orbis, ubi Gallorum statuantur trophæa. Sed forte fru-  
straneus hic metus, melius nos sperare jubent Ministri Gallici,  
qui Belgas tantum peti afferunt, reliquis verò securitatem, lar-  
gâ manu spondent. O cæcas illorum spes, qui his præstigiis de-  
ludi se patiuntur. Syrenum hi cantus sunt, quibus aures obstru-  
endæ. Quam sanctè non ità pridem iidem Gallici Ministri asse-  
veraverint, Belgii fœderati statum non eversum aut mutatum  
iri, saltem de reparatione injuriarum agi, in recenti memoriâ  
est. At nuperis pacis conditionibus, Belgio oblatis, tres inte-  
gras provincias, claustra Rheni, Vahalis & Mosellæ sibi stipu-  
latus est: reliquis non nisi vana libertatis specie relictâ, quavis  
tristi servitute durioris. Inania sunt verba, ubi res ipsa loqui-  
tùr. Potentiaz aviditas congenita est mortalibus, ad quam per-  
fas nefasque per præcipitia quoque feruntur. Felicitas præte-  
rea modum nescit, & adeò dulce est omne in reliquos Imperi-  
um, rerumque arbitrium, ut nisi appetitus, quo in illud feri-  
mur, subtræcto alimento, quasi vi coërcetur, nulla unquam e-  
um satietas capiat. Nec Galli reliquis hominibus continentio-  
res, & tantum abest, ut illorum lateat ambitus, quin potius sole-  
meridiano clarior appareat. Patent consilia Henrici IV. ti mo-  
derni Regis Avi, quæ quamvis specioso prætextu libertatem pu-  
blicam, & seculi aurei concordiam præ se ferebant, revera ta-  
men rerum Christianarum arbitrium complectebantur. Illi fa-  
tum obstitit præcepis quò minus destinata perficeret, at transmi-  
sit illa successonis jure ad Nepotem, in quem unum præterea,  
quicquid aliis Majorum suorum vel datum, vel negatum, <sup>fata</sup>  
contulisse videntur. Quis porrò ignorat dogmata scriptorum  
Gallicorum, Auberii, Cassanæi, Anonymi cujusdam Dissertati-  
onem de Paetis Gallos inter Lotharingosque initis & aliorum,  
quibus patrimonium Regum suorum Orbem terrarum asserunt,

cum-

ESTICA  
A.413L